

er doch inwendig zart vnd lieblich ist / vnd so gar ein subtiler Edler Safft / Balsam vnd reines Oel ist. Die Nasen empfinden seinen geruch ganz wild vñ vngeschaffen / als Schwefel / so er doch in seinem inwendigen edler vnd lieblicher / dañ ein Ambra oder ein Balsam ist vnd geschmeckt wirt.

Wiewol vielen Philosophis etwan getraumet / oder auf andern anzeigunge der Natur grosse geheimnuß in dem Vitriol zu seyn vermercket / dann sie ihme lange zeit nachgesucht / vnd gern gewolt seiner verborgenen heimligkeiten theilhaftig zuwerden / aber sie haben nit verstehen wollen / daß weder mit Distillieren / noch Calcinieren / als sie gepflegt /rgent etwas zu nuß hette können gebrach werden / doch etliche mehr dann die andern. Nun aber sein Proceß das man ihn Calciniere / dann so bald er seine grüne Farb verleurt / so ist schon allbereit verloren sein Oel vnd Geist / vnd geheimnuß aller Philosophen. Dann sollet jr wissen aller Creaturen. Vegetabilia / oder andere mineralia , wie sie an ihnen seind / auch die Metallen sind in ihrem rechten Oel vnd in erster Arcanitet roth / vnnid sollen auch solche ihre Arcana vnnid geriemhte Oel roh / roth als Blut / von ihnen genossen werden. Derhalben ist weith geirret in den Distillationen der gemeinen Apotecker vnnid Arzt / dann sie haben der Natur nicht rauhm gelassen / oder ihr helffen mögen / daß sie ihre Arcanitet in den Gewechsen zu einem solchen blutroten Oel hetten bringen können.

Zwar solches gibt die Natur selbs zuuerstehen / daß sie geschickte vnnid bereit sey / allein wann jr geholffen wirdt / sich selbsten in eurer zeit zu ihrem selbst rothen Safft / vnnid geheimen Oel zuuerwandlen / wie man dann in dem Distillieren gemeine der Vegetabilien sihet / als im Pulegi vnnid Rhute vnd andern / wie von jaren zu jaren sie selber werden / durch ihre eigene Rectification / also daß sie letstlichen / wo sie etliche jarzeiten sollen erhalten werden / so würden sie sich selbs zu einem blutroten Oel vnd Safft bringen / vnd transmutieren. Aber das solchs langsam geschicht vnd zugeht / ist die vrsach / dz die vngelerten Bereitter in der Distillation /me sein grüne zu streng vnnid schnell benemmen / vnd der Natur nit raum lassen / oder dieselbe verwaren bis daß sich die Edle farb selbsten verwandlet.

Gleicher-